

Conoce un tiki mas di "Mimi Kock"



Sr. Emiliano Kock

Señor Mimi Kock a nace na Savaneta, di unda su tata ta. Si mama ta di San Nicolas, pero den temponan di antes ora un hende homber casa su señora mester a sigui'e na unda cu e tabata biba. Pesey Mimi a lanta na Savaneta, unda el bautisa, confirma, haci su Prome Santa Comunión y a bay

school. Den entrevista cu DIARIO el a menciona cu e tempo ey San Nicolas no tabata tin school. Te aña 1933 e prome school a habri, pero e mes a caba school na aña 1932. Mesora cu Mimi a caba school el a bay traha na diferente tienda, te cu aña 1935 cu LAGO a saca un



programa pa muchanan di Aruba drenta e compañía como "aprendiz".

"Hunto cu otro muchanan mi a siña carpinteria y a traha riba e tereno aki. Despues di 4 aña mi a bay traha den e refineria te cu aña 1946 cu mi a bay Venezuela.

Mi a biba 4 aña na Caracas haciendo diferente trabao te cu mi kier a bin cas bek", Mimi a conta.

Mimi y su esposa Elizabeth tin 45 aña casa, y nan familia ta consisti di 4 yiu casa

caba, 3 nieta y un bisanieta.

SU MENSAHE PA COMUNIDAD:

"Pa nos Dia di Himno y Bandera mi mensahe ta specialmente pa Gobierno di Aruba, pa haci su esfuerzo pa tur school di Aruba siña e muchanan nos folklore, manera School Reina Beatrix ta haci.

Si tur mucha ta siña nos folklore e parti aki di nos cultura lo no muri nunca. Pero actualmente e ta bayen-

do hopi atras door di musica cu ta bin di afo. Mi kier pa nos folklore ta prome, y despues tur otro ritmo", Mimi Kock a acentua.

Riba combinacion di potret por observa Mimi su so, y ora e ta training e alumnonan di school Reina Beatrix, cu lo presenta un bunita baile dia 17 di Maart awor, cu nan lo celebra Dia di Himno y Bandera na school.